

ЛҰИМА СЭРИПОС

18 октября
2018 года
№20
(1182)

Общественно-
политическая газета
Ханты-Мансийского
автономного
округа-Югры

www.khanty-yasang.ru

E-mail: gazeta@khanty-yasang.ru

Основана 11 февраля 1989 года



Ты хурит А.К. Швецов Советский ўст «Алекс» мāt кўщай ос Иван Митрофанович Качанов «Тўругья» намба общинат кўщай пōслым ѓлѓг. Сўкыр ѓтпос 14 хѓталѓт Москва ўст Государственный Думат Мā-вит ўргалан Комитетт «Проблемы и перспективы законодательного регулирования лесных отношений в РФ» намба хўнтлын вāрмаль ѓлыс. Тув Россия сāvсыр мāныл вѓр ўргалан, вѓрт рўпитан яныг кўщайт, вѓраян хѓтпат ѓхталасыт. Тāн халанылт И. М. Качанов ос А.К. Швецов ѓлсыг. Потыр 7 лѓпсыт ловиньтѓлын.

Ты
номерт
ЛОВИНЬТЭН:

Кол ѓвтнѓ
олныт урыл

3

Мāньщи ос ханты
хѓтпанув
хѓт рўпитаңкве
вѓрмѓгыт

6

Рўт мāхманув
акван-
хѓнтхатѓгыт

8

Омав самын
патум хѓталѓ

12-13

Лāтың щирыл рўт
нйврамыг

16

ЛЯХХАЛЫТ

Сăвсыр мирыт акван-атхатэгыт

Ты этпос 19-21 хоталытт «Югра многонациональная» намба форум Ханты-Мансийск ўст рўпитаңкв паты. Ты урыл внутренний политика департаментыт кўщай вăңын хум Сергей Пишуков ос округ творчества колт кўщай нэ Елена Исламуратова потыртасыг.

Тув ань сăтсăт арыг-кем элумхолас атхаты. Сăвсыр мирыт тэланыл ёт рўпитан кўщайт, мăхум тăнки торуменылн пѳикшан яныг хотпаныл, пѳс йис наकаныл элаль тотнэ мăхум, эргын-ййквнэ хотпат акван тах атхатэгыт. Ань тăн

мăгсыланыл сăвсыр потыртан щѳсыт, матыр мăщтырлаңкве хаништан вăрмалит, суссылтапыт вăравет.

Округувт ѳлнэ ёмас проект-тѳлат урыл хўнтлэгыт. Хотьютаныл тот нѳх-паты, тав Пермь ўсн акв тамле форумн ѳтыл мины. Тот ёмас

проектаныл мăгыс сăвсыр мăт нѳх-патум хотпат акван-атавет.

Ты тăл тăн «Югра многоликая. Страницы национальной культуры» тѳла урыл потыртэгыт. Ты вăрмалъ мирн вăнэ мăгыс округув янытыл тотыглаңкве патаве. Тѳнт сăвсыр мирыт потраныл, мѳйтаныл ловиньтавет ос стиханыл хаништавет. Мѳт хотпат ты ѳвылтыт матыр-ăти вăңкве патэгыт ос тувыл тăнки халанылт акван тах юрщхатэгыт.

Конференция вăр-нѳныл порат «казачес-

тво» урыл ѳс тах потыртэгыт, казак-мăхум хосат тыг ѳлмыгтасыт. Тăн пѳс порат хумус ѳлсыт, хумус нăвраманыл ѳлуңкве хаништасаныл, тыи тах суссылтэгыт. Мѳт сыресыр касылытт нѳх-патум хотпат мўйлупсал мивет.

Ань ты кўщайг ўст ѳлнэ мăхум суссылтапыт сунсуңкве ос матыр тѳлан хаништахтуңкве тув ѳхталаңкве вѳвсанѳн.

**Тамара
МЕРОВА**

Тѳва щѳмьят олн тув ат ойтѳгыт

Мăн округувт яныг колытт ѳлнэ щѳмьят ат тăл Югорский фондын олн ойтѳгыт. Тот ань сăв олн акван-атвес ос манасăвит ѳлнэ кол ёмашакв щѳпитасыт, та урыл Югорский фондыт кўщай нэ Елена Дарибабина лăххал тотнэ хотпат элы-пăлт потыртас.

Ань округув янытыл яныг колытт ѳлнэ мăхум пуссын аквѳѳт 11 арыгкем млрд солкѳви тув ойтсыт. Ты пора сыс фонд акв сѳтыра 429 колыт ёмашакв хот-щѳпитасаныл ос ты рўпата мăгсыл 8 млрд солкѳви холтсыт.

Ань мус сăв мăхум олн тув сăңкве шар ат кăсăщѳгыт, округ янытыл ѳлнэ щѳмьят пуссын аквѳѳт тув акв млрд 800 млн арыгкем солкѳви тув иң ат ойтсыт, ѳрнта ѳнъщѳгыт. Мăхум кăсың ѳтпос олн вос ойтѳгыт, ань Югорский фонд сăвсыр пўмащ тѳла вăрыглы.

Ты ѳтпост тăн мир халт каснэ вăрмалъ, рущ лăтңыл тав «лотереяг» лăваве, вăрыгласыт. Тамле вăрмалъ кăсың ѳтпос ойтхатнэ щѳмьят халт ос акв сыс 8 сѳтыра солкѳви ойтум мăхум халт ѳлыс.

Тының телефоныл Сургут ўст ѳлнэ нэ майвес, мѳт мăхум кина суссылтан тѳтапыл, холодильникил, пылесосыл ос мѳт ѳрнэ пормасыл тот майвѳсыт.

Югорский фонд мăхум ѳлнэ колыт ёмашакв вăрияныл, колаланыл йильпиг щѳпитыяныл, кол нораныл хот-пѳн-тыяныл, йильпи кѳр турытыл пинияныл.

Туи порат сăв мăхум мѳт мăн ўщлахтуңкве минѳгыт, тыи мăгсыл фондыт рўпитан мăхум тăн коланыл хот-щѳпитанкве ат вѳрияныл. Ты щѳмьят ўрим яныг кол турпанэ пѳнтуңкве таквсы мус ат ѳлымаве. Тѳва щѳмьят ремонт вăрнэ хотпат тăнки палтыланыл намыл юв ат тăртыяныл. Ань Югорский фондыт рўпитан мăхум ты щѳмьят ѳт сутытахтэгыт.

Кўщай нэ ос мѳт тăр-вityн вăрмалъ урыл потыртас. Ань округ янытыл ты программан 6 сѳтыра 675 яныг колыт хансым ѳлѳгыт, тăн халанылт 832 ѳлнэ кол норыл ўнттым ѳлѳгыт ос хосат пѳсыг ѳмтсыт. Ты колыт ёмашакв щѳпитанкве ат хѳйхатэгыт, туп хот-лѳсталаңкв ѳрѳгыт. Тăн Мегион ос Ханты-Мансийск ўсыгт пѳс колыт ёмас ремонтыл вăрсаныл ос 1 млн арыгкем солкѳви холтсыт.

Тот ѳлнэ щѳмьят нила тăл сыс туп 200 сѳтыра арыгкем солкѳви ойтсыт. Тувыл ты колыт хот-лѳсталавѳсыт, ос мăхум йильпи колыл майвѳсыт. Сăккон щирыл тăн ты фондын пѳс коланыл мăгсыл олн воссыг ат ойтѳгыт. Ань Югорский фонд ты щѳмьят ѳт, мирколытт рўпитан мăхум ѳт сутытахты ос холтум олнаныл ювле вѳвияныл.

Елена Владимировна лăвыс, ань ты тѳла урыл тăн хот-ăти акваг потыртэгыт, ты тăрвityн вăрмалъ урыл хумус ѳлаль рупитанкве ѳри, ань номсахтэгыт.

программан хансуңкве ѳрѳгыт, ос мѳт щирыл нѳтуңкв.

Сăв щѳмьят тăнки нѳматыр ат вăрѳгыт, нас ўрхатэгыт. Ос Югорский фондыт рўпитан мăхум хунъ ѳхтэгыт, тăн ѳлнэ коланылн юв ат тăртыяныл, лăвтуңке тўлтхатэгыт ос йильпи кол вѳвѳгыт.

Ты колытт ѳлнэ щѳмьят акваг потыртавет, тăн сапрăнин вос атхатэгыт ос ѳлнэ коланыл нѳпакыт ёмашакв вос вăрияныл. Ос БТИ колт рўпитан хотпат вос вѳвияныл, тăн ѳлнэ коланыл ёмашакв вос сунсаве, коланыл сака пѳс ке, тѳнт таве хот-лѳсталаңкве лăваве. Тѳнт мăхум ты программаныл хот-щуртумтавет ос нила тăл сыс ойтум олнаныл ювле мивет.

Елена Владимировна лăвыс, ань ты тѳла урыл тăн хот-ăти акваг потыртэгыт, ты тăрвityн вăрмалъ урыл хумус ѳлаль рупитанкве ѳри, ань номсахтэгыт.

**Людмила
ТЕТКИНА**

ЛЯХХАЛЫТ

Кол ёвтнэ олныт урыл

Ты этпост округ мирколт рупитан кўщаит сапранияныл ылыс. Тән тот савсыр программат магыс сав олн ләкква-уртсыт.

Ань ылынэ кол ёвтнэ магыс субсидия-олн ўрнэ хөтпат ыста арыг олныл мивет.

— мањлат щёмят магыс 113 млн солкы-ви миве;

— мањщи, ханты ос ёрн щёмят магыс — 45 млн солкыви;

— бюджетный колытт рупитан махум — 138 млн солкыви.

Ты хөтпат пуссын 2011 тәлт сўкыр этпос 22 хөталэ ёлы-пәлт заявление-нәпак хас-сыт ос наманыл олн ўрнэ очередин акван-хасвёсыт. Ты олныт

пуссын акван-ловинь-тањкв те, ты тәл ывыл-тахтам пәсныл тит млрд арыгкем солкыви тах ёмты.

Ипотека-олн вим щёмят ыс тах нётавет. Сав нәврамың щёмят, мощца олн сәлнэ махум ос нәвраманыл тәнттёныл янмалтан щәнит манос ащит хөт-ютаныл тән халанылт ёрнэ порат олн банкын ат ойтыс, тән тах нёта-вет.

Тыи магсыл ань 81 млн солкыви миве. Ты олныт туп әрнта ыщнэ махум магыс мивет.



Ищхыпн маг вим хури

Мањлат махумн нёты

Руслан Проводников ань округ Дума депутатыг рупиты. Тав матах тәл ювле хульгум юи-пәлт тамле пұмыщ вәрмәль номылматас — әлпыл, хөт щёс ляпатемт, мањлат агит-пыгыт акван-атыглыанэ ос тән ётаныл зарядка вәри. Ты тәлатэ руц ләтңыл тох намаястэ — «Утро с чемпионом».

Хоты ўсн мины, тот аквты щирыл вәри. Мирн вәнэ намың-суиң спортсмен ёт сав мањлат хөтпат хөнтхатыгләлэгыт, пуссын щәгтым тув ёхтэгыт. Ос Руслан тәнанылн ёрнэ щирыл хумус нўнсалахтункве ёри, ёмашакв ханищтыанэ ос щар ат сәлытыанэ.

Вёраян ос хўл алыщлан хөтпат нётавет

Мән округувт хантыт ос мањщит савсыр районытт ылэгыт. Ханты-Мансийский районт 2 сөтыра 407 ханты, мањщи ос ёрн хөтпа ылы.

Тот 54 хөтпа тәнти пёс йис тәгыл ылынэ ма-наныл тәнти нупыла-ныл хассаныл, ёрнэ нә-пакыт пуссын ёмашакв вәрсаныл. Ань ты мәт руц ләтңыл тох ләва-вет — «территории традиционного приро-допользования».

Налыман хөтпа тән-ти община ыньщёгыт, савыңпәлэ тән пуссын хўл алыщлым, вёраим ылэгыт, ты щирыл олн мощ сәлэгыт. Мир-колныл тётым потрыт тох хансым ылы:

— Ты районт 34 об-щина хўл пуви, тән халанылт туп тит общи-наг хўлылн савсыр мөт тәнут вәрёгыт. Акв тәл сыс ловиньтасаныл, пуссын аквёет 2017 тәлт

4 сөтыра 545 тонна хўл пувмыт. Ос ты ёлы-пәл тәлытт тыгыл савнув хўл алыщласыт. Ань таимәгыс тох ёмтыс, та тәл сыс нила об-щина рупатаныл хот-пйилттасаныл.

— Мөлты тәл тән 207 тонна пил вәтсыт, 30 тонна ләхыс ат-сыт, пәквсам 45 тон-на сөпасласыт. Тән ты тәнутыл мөт савсыр тәнут ыс вәрёгыт, пи-лыт сәккар ёт акван-тёлыгтыяныл, савсыр атың пәнка вәрёгыт.

— Ханты-Мансийс-кий районт туп тит общинаг, ты «Сорни ханнэхо» ос «Ляпсин Бор» вёраёг. Тот рупитан охотникыт 705 вёруй-сов мисыт, 504 савсыр



«Вонт корт» ўщлахтын ма

товлың ўй аласыт.

— Ты район янытыл ханты ос ёрн хөтпат туп 98 сәлы ыньщёгыт. Район мәтэ кос яныг, ос ляпат сака сав яныг ўсыт ўнттым ылэгыт, машинал яласан сав лёңхыт вәримат. Сәлы ўрнэ ма сака әтим.

— Турист махум ма-гыс ты районт нила пәвыл ўнттувес, ты ўщлахтын мәт пуссын Ханты-Мансийск ўс

ляпат ылэгыт. Тув сав мир ёхталы. Ты мәт тох ләвавет — «Озеро Тымгынтор», «Остяко-Вогульск», «Колмодай», «Сорни ханнэхо».

Мөлты тәл сыс Хан-ты-Мансийский районт рупитан общинаг магыс 50,56 млн солкыви округ мирколныл майлувес.

Ляххалыт мањщи ләтңыл Валентина ВАСИЛЬЕВА хассанэ.

Пусмалтахтуңкве сартыннуv эри



Тэрпиң юнтпыл вос тўщтавѐн

Грипп агмыл ўргалахтын магсыл Югра мав янытыл мань таквс этпос сыс лёккарыт махум тэрпиң юнтпыл тўщтыяныл.

Кондинский район Мулымья павылт пўльницат рўпитан лёккарыт павлың махум эт акваг потыртэгыт, тан нявраманылн ос тантинанылн тэрпиң прививка воруңкве вос касашэгыт, тох тан агмыл арген ат ёмтэгыт.

Савыңпалэ мань няврамыт, ханищтахтын няврамыт ос яныгпалаг ёмтум хотпат тэрпил вос тўщтавет. Тамле няврамыт ос яныгмахум грипп-агмыл те ёмтэгыт, хоса пусмалтаңкве ат вѐрмавет. Тэрпил маттем та айтавет.

Павлың пўльницанылт «Совигрипп» вакцина-тэрпи сав сопаслым олы. Ты тэрпил титсыр грипп-агмыл ўргалахтуңкве рѐви. Тан янге-манин воруңкве рѐвэгыт.

Ань та Мулымья павылт ниласат онтырсат яныг элумхолас ос хўрумсат няврам тэр-

пиң уколыл вѐрвѐсыт, тот ань павлың мир савыңпалэ ты агмыл тах ат ёмтэгыт.

Няврамыт лёккарахтуңкве ханищтавет

Ань ты накт Урай ўс пўльницат рўпитан лёккарыт танти вѐрнэ рўпатанылн няврамыт ханищтасыт. Тот №2 школат няврамытын потыртасыт, хумус МЧС, ГИБДД, най харыгтан махум ос машинал ёхтыгпан лёккарыт рўпитэгыт. Хумус тан молях элумхолас лылытэ нэгылттаңкве квѐлапэгыт.

Марина Шипцова, няврамыт ханищтан нѐ, лавыс: «Ты вѐрмалъ няврамытын сака пўмыщ олыс. Касың мат тан кастыланыл машина ўнлыс, тот рўпитан хотпат тананылн по-тыртасыт ос суссылтасыт, маныр воруңкве эри.

Хумус най харыгтаңкве, сыем люлиг ёмтум элумхоласн нѐтуңкве манос лѐңхыт машинат акван-пѐлхатнѐ порат маныр воруңкве эри».

Агиришит-пыгришит тот рўпитан ма-



шинат ёмшақв сунсыгласаныл, тйвырт маныр ѐныщэгыт — сунсыглаңкве вѐрмысаныл. Касың машина такви хурип рѐхсуй ѐныщи, та сые щирыл мир торгамтыяныл, матыр ѐвыл та ёмтыс.

Машинал молях ёхтыгпан лёккарыт палт кўщаиг рўпитан хум Денис Коглик няврамытын потыртас, хумус лёккарың машина вѐвуңкве эри, хоталь свонитаңкве. Ты ханищтап юи-палт няврамыт титыглавѐсыт, хотьют ёмшақв потыртас ос сав ваңкве патыс, тан «Звезда спасения» пѐсыл майвѐсыт.

Так сым — ты элумхолас яныг шуне, тавѐ ўргалэлың

Сым ос тѐлптѐрс агм мир янытыл шар ѐвылт олы. Тамле агмыл вѐиң хотпат, савсыр вѐиң, саритым тѐнут тѐнэ элумхолас, вина айнѐ, хохса хартнѐ хотпат ёмтэгыт.

Лѐккарыт лѐвнѐныл щирыл, элумхолас такви вѐрнѐ рўпататѐ нупыл номтѐ ат те паты, тав ѐс тамле агмыл ёмтуңкве вѐрми.

Мегион ўс пўльницат акв этпос сыс «Так сым — ты элумхолас яныг шуне, тавѐ ўргалэлың» тамле ханищтап вѐрыглавѐс. Тѐнт ѐхталам мир лёккарытын потыртавѐсыт, хумус сыманыл ўргалаңкве эри, маныр тѐнут тѐңкве рѐви. Мань нѐпаклѐмтытыл майвѐсыт, тот ос хўлтыглахтын потырт хансым ѐлсыт.

Сым пусмалтан лёккар палт хасхатнѐ тѐл щалтсункве рѐвыс, давленияныл сусвѐсыт, сыманыл хўнтлувѐсыт. Хоты хотпат ѐхталаңкве ат вѐрмысыт, та кастыл тѐстым телефон хосыт лёккарыт ѐт потыртасыт.

Сым лёккарыг рўпитан нѐ Айпери Шакенова лавыс: «Щар ѐмасыг та вѐрмалъ олы, хунь сым ос тѐлптѐрс агм сартын хѐнтавѐ. Тох сав мир пўльницан вѐвим, ман ущ агмыл ёмтнѐ элумхолас тѐра пусмалтаңкве ѐвылтылѐв. Тѐл сыс матахщѐс уральтахтуңкве тах вѐвиньтѐлылѐв».

**Мир пусмалтан
департаментныл
тѐтым лѐххал маньщи
латѐгыт Галина
КОНДИНА толмашластѐ.**

КҮЩАИТ РҮПАТАНЫЛ

Ялнэ-миннэ тэла

Округ мирколт кұшаит ёнта пасан ватан атхатыгласыт, лёнхыт яласан тэлат урыл потыртасыт. Овыл латың ялнэ-миннэ Управление палт пунктотнэ хум Максим Глушков тав лавыс:

- Ань округ янытыл 238 савит машинат уралтан утыт вэрвэсыт. Тән хосытанылт нәңки, хотьют хумус яласы. Мөлты тәл 522 сөтыра хөтпа штрафолныл хасвэсыт. Машинал яласан махум касың тәл округув янытыл савсыр эрнэ тэлатыл щёпиталавет: «Внимание, дети!», «Родительский патруль», «Велосипедист! Будь примером – соблюдай Правила дорожного движения!». Ляххал тотнэ махум телевизор хосыт ос газетат акваг потыртәлэгыт, лёнхыт мұсхал щирыл яласән, ул молямлән, юн колтагыл махманын пустагыл ұравән. Тәл сыс хус сөтыра арыг передача вәрыглавес.

Мир пусмалтан колт пунктотнэ хум **Алексей Добровольский** пылщмаң тэлат урыл потыртас:

- Нёлолов ётпос сыс округув янытыл 938 машинат акван-пелхатасыт, 1 сөтыра 297 хөтпа сакватахтасыт, тән халанылт 179 ныврам. 82 хөтпа атимыг ёмтсыт, тән халанылт 5 ныврам. 2017 тәлт тыгыл савнұв элұмхолас сакватахтас.

Кұшаит ос депутатыт халтханты хум **Вячеслав Новыхов** олыс, тав округ Думат соссa мир Ассамблея депутатыт рұпиты. Таве ам соссa махманув яласан нәпаканыл овылтыт китыгласлұм, хум тох лавыс:

- Хәльүс, Белоярский ос Октябрьский районт

олнэ соссa махманув манавн латың кётсыт, ань «Бураныл» яласан эрнэ нәпакыт катынпаттын магыс тән мөт павлын манос ұсын ханищтахтұкве кётавет. Тот ханищтахтынәныл сыс матахмат хөтал олуңкве эри. Ләвёгыт, мөт мәт олнэ магыс ойтхатұкве ат вёрмёгыт, яласан лёнханыл ойтнэ магыс ос олн эри. Пойкщёгыт, тананыл вос нётыянұв, эрнэ сәккон вос пирмайтёв.

Пищманыл ловиньтамув юи-пәлт, мән тәра потыр щёпитасұв, округ янытыл олнэ ма-вит ұргалан Департамент колн кётыслұв. Тән элұмхоласн нётмил вәрнэ программа-нәпак палт ты овылтыт вос



Лопмус павыл хум хотпат

хансёгыт, соссa махманув эрнэ нәпакыт катынпаттұкве вос нётавет – ханищтапаныл, ялнэ-миннэ лёнханыл ос олнэ коланыл вос ойтавет.

Мән вәглұв, ань «Буран» ошнэ хөтпа эрнэ нәпакыт тәл пуваве (ёл-пйлттаве) те, мөт эрнэ нәпаканэ хот-вивет. Машина оныщи те, та мат «В» категория нәпаке хот-вие.

Кос выгұв, Саран-павыл мир сака элынт олэгыт, тот ань улпыл касың колтагыл тамле яласан машина оныщи. Та палыт мән, Хәльүс

манос Нягань ұсн, минуңкве рұпатаң. Мавит ұргалан Департаментыт рұпитан махум лавсыт, ты тэла щирыл рұпитаңкве овылтахтасыт.

Тамле тэлат хумус вәравет, мән ань вәглұв. Ати сака хосат ос аквты хурип тэла магыс кұшаит сәккон-нәпакыт пирмайтасыт – писалъ ошнэ магыс эрнэ нәпакыт катынпаттын магыс соссa хөтпа нётаве, ханищтапе, ялнэ-миннэ лёнхе ос олнэ колэ ойтаве. Ты магыс соссa махманув сәккон тотнэ хөтпатын сав ёмас латың ләвёгыт. Тән вәганыл, эри те, государство пәлыл нётавет, эрнэ нәпакыт катынпаттэгыт. Тувле ат номсахтэгыт, элалъ ёмас номтыл олэгыт, вораёгыт, сыманыл ат этгалавет, алпияныл ат пөлявет.

Ань хотьют вёрми, мөт ұсн такви ёрыл та яланты, вёрмын темёт ханищтахты, эрнэ нәпакыт катынпатты. Мән номсёв, соссa махманув нётмил олныл таставет, нётұкве патавет. Эри те, мән хоталь ати ос пищмат хансёв, кұшаит ёт ос потыртёв, ань ты нётмил тэлав сәккон щирыл вос щёпитаве.



Ханты нэ Лидия Покачева нывраме ёт

Светлана РОМБАНДЕЕВА

Мāньщи ос ханты хōтпанув хōт рӯпитаңкве вѐрмѐгыт

**Ханты-Мансийский районт
Рӯпата хōнтнэ центр-кол мāн
редакциявн пищма тѐтсыт, хōт ос
хумус сосса мāхманув рӯпитаңкве
вѐрмѐгыт, та урыл хассыт, ты рӯпата
лāваве – «организация временного
трудоустройства».**

1. Центр занятости колн хасхатам ос рӯпата ўрнэ мāхум тит этпосн рӯпитаңкве вивет, ты мāгыс рӯпатам винэ кӯщайн компенсация-олн ойтаве, 11 сōтыра 136 солкōви сāвит.

2. 14 тālныл ос 18 тāl яныт нйврамыт ханищ-тахтынэныл юи-пāлт хōтыл сыс матах щѐсн рӯпитаңкве ос вуйлавет, тōнт тāн акв этпос рӯпитэгыт, ты мāгыс рӯпата кӯщайт центр занятости қолныл 1400 солкōвил нѐтавет.

3. Рӯпата тāl хуль-тум хōтпат, ос нѐмхōт рӯпата хōнтуңкве ат вѐрмѐгыт, тāн «О занятости населения в РФ» РФ сākкон хосыт рӯпата тинсавет, ты:

— āгмың-мосың, сак-ватахтам элумхōлас;

— турманколныл тār-тым хōтпа;

— 14 ос 18 тāl яныт нйврамыт;

— хōнтлын мāныл сы-сы оям щѐмьят;

— армият рӯпитам ос пōхан патхатам хōтпат, ос тāн щѐмьяныл;

— тāнттѐныл нйврам янмалтан акв щāнь ма-нос āщ, сāв нйврамың щāнь-āщит, āгмың-мо-сың нйврам янмалтан щѐмьят;

— 18 ос 20 тāl яныт нйврамыт ущ ханищ-тахтын мāныл āстэгыт ос рӯпата овыл щѐс тинсэгыт;

— Чернобыль мāt олум мāхум.

Пуссын ты хōтпат хӯрум этпосн рӯпатал хōнтавет, ос тāнаныл винэ кӯщайт центр занятости қолныл касың

элумхōлас мāгсыл 15 сōтыра 909 солкōвил нѐтавет.

4. Мощчан рӯпатам вуйлын ос обществен-ный тēлат вārнэ пенси-ят олнэ экват, ойкат мāгыс:

— тāн тит этпос сыс хотты мāt рӯпитэ-гыт ос та кӯщайт ком-пенсация-олныл 7 сō-тыра 955 солкōвил организацияныл миве.

5. Рӯпата тāl патум хōтпат общественный рӯпата вāруңкве тит эт-посн вуйлавет, Хан-ты-Мансийский рай-онт олнэ мāхум мāгсыл центр занятости қол 11 сōтыра 136 солкōви мыг, Ханты-Мансийск ўст олнэ хōтпа мāгыс 8 сōтыра 430 солкōви.

6. Колледж, институт манос университет āст-лам āгит-пыгыт 25 тālаныл тōвлын мус овыл щѐс рӯпата хōнтуңкв нѐтавет, тāн 5 этпосн рӯпитаңкве вивет, руц щирыл лāваве – «стажи-ровка». Касың этпос сыс рӯпата кӯщайт ты

мāньлат мāхум мāгсыл 15 сōтыра 909 солкōвил мивет.

7. āгмың-мосың хōт-пат мāгыс тāстым рӯ-патат кӯщайт органи-зацияныл акв элумхōлас кастыл 72 сōтыра 690 солкōви миве.

8. Турманколт ўнлум элумхōлас коммерчес-кииг лāвнэ рӯпатам ви-ве те, тāн мāгсыланыл ос олн тāставе, ты 11 сōтыра 136 солкōви сā-вит. Тамле хōтпат хōт этпос сāвитын рӯпатал хōнтавет.

9. Нйвраманыл тāнт-тѐныл янмалтан щāнит манос āщит ос сāв нй-врамың ома-āтят юн вārнэ рӯпатал хōнта-вет, тамле мāхум мāг-сыл рӯпата минэ кӯщайт олныл тāстает, 50 сōтыра солкōвил.

10. Тāнти қоланылт рӯпата вārнэ хōтпат ос олныл тāстает, тав субсидияг лāваве, 88 сотыра 200 солкōвил уртавет, ты олнытыл тāн рӯпитан щāңквыт ѓвтуңкве вѐрмѐгыт.

11. Рӯпата тāl па-тум хōтпат, тāнти ма-тыр овылтаңкве вѐр-мѐгыт, ты кастыл ос нѐтавет, нѐпакыт ху-мус вāруңкве, хоталь хансуңкве — пуссын центр занятости қолт хӯлтавет. Тōват ўйхул янмалтаңкве вуйхатэ-гыт, тāн ос олныл мивет.

Ханты-Мансийский центр занятости қол Карла Маркса ўсхулы хосыт олы, 12 қолт. Телефонаныл: 8(3467) 32-05-15. Руц потраныл нāн мāн ищхипың лōп-сувт ловиньтэлың.

**Рӯпата хōнтнэ
қолныл тѐтым лйххал
мāньщи лātныг
Галина КОНДИНА
толмашластэ.**



Т.А. Пяк тōвыль хӯраты



С.И. Таратов тўйт хилы

КҮЩАИТ РҮПАТАНЫЛ

Саранпавылт «Түрүпъя» община рүпиты

Иван Митрофанович Качанов «Түрүпъя» намба общинат күщайт олы. Тән мак яныг рүпата паланыл – воряян вәрмалъ. Воряян магыс кит яныг ма-лөмт оныщегыт, атпан нупыл онтолов тәлн висаныл.

Воряян ос алыщлан магыс соглашение-нэпак оныщегыт, ты хосыт касың тәл воряян лицензиял мивет. Вәр-нэ рүпатаныл китыт пәлэ — хул алыщлан вәрмалъ. Хул алыщлан магыс онтолов я-түр вәтат оныщегыт.

Та коныпал этнографический туризм хосыт рүпитэгыт. 2013 тәлт Түрүпъя түр вәтат махум үщлахтын магыс колыт үнттысыт. Тот тәлэ-туве касуңкве рөви, хул алыщлаңкве, воряяңкве, сосса мир йис олупсаныл эт вайхатуңкве.

Общинат налыман-кем хөтпа рүпиты. Ма-хум емас рүпитэгыт. Ярум ос оныщегыт. Община сав олн ат сәлы, тән танкинаныл общәныл магыс туп рүпитэгыт. Нәтмил тәл элалъ савмалтаңкве тах ат вәрмәгыт. Грант-олн винэ магыс нэпак кос хансыглэгыт. Тувыл ос рүпатаныл урыл акваг савсыр эрнэ нэпакыт атуңкве, нәлок-олн ойтнэ вәрмалъ ювле хансуңкве эри. Общинатн государстваныл нәтмил эри.

2018 тәл сис Россия мавт ат үст «Национальный Лесной Форум» вәрмалъ вәрыглавес: маньполь этпост — Ижевск үст, яңк нәтнэ этпост — Ханты-Мансийск үст, лүпта этпост — Хабаровск үст, ойттур этпост — Барна-

ул ос Петрозаводск үсыгт. Сүкыр этпос 14 хөталәт Москва үст Государственный Думат Ма-вит үргалан Комитетыт «Проблемы и перспективы законодательного регулирования лесных отношений в РФ» намба хүнтлын вәрмалъ олыс.

Тув Россия сав-вөср маңыл вөр үргалан ман вөрт рүпитан яныг күщайт, воряян хөтпат әхта-ласыт. Тән халанылт И. М. Качанов олыс. Тав ос ләвнэ ләтңыл майлавес. Тав потре ловиньтәлын:

— Ам воряян хум, маңыщи хөтпа, Иркутск үс техникумт үй-совыт эт рүпитаңкве ханищтахтасум. 1986 тәл пәсыл Хальүс кооп-зверпромхозт воряян хөтпаг олсум.

Сәт тәл тот рүпита-сум. Нәхыс, ләңын, антәтра алыщласум ос алыщлэгум. 1990-т тәлытт ам колтәг-лум ты хосыт олыс. Та тәлытт Хальүс районт 300 арыгкем воряян хөтпат рүпитасыт, тән пуссын ты ёрыл ол-сыт. 2000 тәлныл Лүй-мәт савитаныл мощ-ща сосса мир общи-нат күщайт олэгум, пыгагум эт вораё-гум.

Мән вораёв, хул алыщләв, пил вәтәв, ләхыс атәв, пәквсам сөпасләв. Алыщлан ма-нанув Югра мәт Нёрыт нупыл хөтал нәглын әрт олэгыт. Община вора-



ян вәрмалә ат вәрмитэ элалъ савмалтаңкве, мән воряян тәлав во-рил нөх-нәглы.

Хальүс районт воряян 300 хөт-патныл, улпыл, 20 хөтпа хультыс. Воряян ма-нос сосса хөтпа такви алыщлан мәтә үргалы-тә, вөруй элалъ савмал-тан урыл номсахты, вәгтә, хунь рөви алыщ-лаңкве, хунь әти. Сос-са махум маңь тәгыл вөр үргалаңкве ханищ-тавет.

Касың колтәгыл так-ви кәтпос оныщис, ты кәтпосыл танки ма-ныл пөстысаныл. Мирув йис тәгыл олнэ, маңав тыттын ма-витув, вө-рув үргалан сәккон ну-пыл пуссын суссыт. Ты өрумт хотьют таңхи, таи мән мавн воряяңкве та әхты, ос тавән нә-матыр ат емты. Мән праконьерыт эт мәнки нәматыр вәруңкве ат вәрмөв.

Тыхөтал ам овыл щәс-тыт потыртэгум, вора-ян махум магыс вәрнэ тәлат овылтыт ләвуңкве таңхөгум. Ань рүпитан «Воряян вәрмалъ урыл» сәкконт воряян хөтпат тамле тәлан ярмөгыт:

охотминимум минэ вәрмалъ, воряян ос алыщлан соглашение-нэпак. Сосса мир вора-ян маңаныл тыпыл-таңкве вәрмөгыт.

Ты «Воряян вәрмалъ урыл» сәккон хосыт воряян ма тыналан порат өвтнэ олн хөнтәгын ман әти, ат вәглын. Мән воряян соглашениев оигпам порат саватпи ошсүв. Ты соглашение йиль-пииг молях щөпитаңкве эрыс, арынтаг олн висум, воряян ма ош-нэв магыс ойтхатуң-кве эрыс.

Ты коныпал савсыр нэпакыт эри щөпитаңкве, маныр вөрт вәруңкве патэгын ос ма тармыл маңыр үнттэгын. Ты нэпакыт урыл Российский Фе-дерация Вөр урыл сәк-конт (Лесной кодекс) хансыма. Сәкконыт ат хансыма, воряян хөт-патын рөви ман әти ол-нэ кол, пувлынкол, ам-пар, матыр эрнэ пәрт-кол үнттуңкве.

Тувыл ос мак яныг яртпи, алам хуланув, кәтын-паттум вөр үянув, сованув, вәтум пиланув хоталь миң-кве, тыналаңкве. Сав махум тыил туп олн сәлэгыт, ты ёрыл олэгыт. Ань коопзверпромхоз әтим. Государстван ты магыс эри йильпи ма-тыр вәруңкве.

Государство сәккон-ширыл воряян махум магыс нәтмил ке вәрө-гыт, тонт воряян хөтпат нәтэгыт ма-витув элалъ хультуптаңкве, вөрүв найныл үргалаңкве, хон мав экономикатә савмалтаңкве.

Альбина
СТАНИСЛАВЕЦ

Рүт махманув акван-хонтхатэгыт

Касың тал мәнъ таквс этпост финно-угор рүт махманув тәнки мәнанылт мүйлын нак вәрыглэгыт. Төванакт хотты рүтаныл ёт вайхатуңкве тәнки палтыланыл вөвыглыяныл манос тәнки хотталь ялэгыт. Та щырыл тән тәнки халанылт вайхатэгыт ос румалахтым элаль олэгыт.



Т.С. Гоголева



Т.А. Молданова



О.С. Рыжкова

Хантыт ос мәнъшит тамле акван-атхатнэ порат ос тув ялантэгыт. Мән ань редакция-колувн мүй хөтпат вөвиньтәлсанүв, тән щай айнэ пасан ватат финно-угор махум палт сыресыр вәрум тәланыл ывылтыт потыртасыт. Ос маныр йильпи тәлат щёпитавет — латың хүлтсыт.

Ань финно-угор махум Конгрессит касың мирытныл акв хотьютаныл пуңкотнэ хөтпаг олы, мәнъшит халт Татьяна Гоголева пәриявес. Тав лавыс, ләтһанув щырыл рүт мирыт тәнки халанылт сав

тал акван-юрщхатым ос акван-нётхатым ывылтам вәрмаяныл ёрувлаңкве шар ат эри, мәнлат хөтпат аквтох макыг таве элаль вос тотыяныл.

Ты этпост рүт махманув Эстоният мирхал конференциян акван-атавет. ывыл рүпитан хөталаныл яныг сапрани Вярска, сету махум олнэ павылт, вәраве. Тав «Фенно-Угрия» наппа колт рүпитан хөтпатн щёпитавет ос «100 лет национальному движению финно-угорских народов и их стремлению к автономиям» намаим олы. Тот ма-

хум щань ләтһаныл, савсыр тәланыл ос олупсаныл ывылтыт матыр тәра-паттэгыт тах. Ос эрнэ вәрнута-ныл элаль тотнэ щырыл потыртахтэгыт. Тувыл мүй махум яныг музей-коланылн тотыглавет, тот Тарту ўсың кұшай ёт акван-хонтхатэгыт, ос эрыг-ййквнэ касылыл суссылтавет.

Татьяна Александровна Молданова мәнълат хөтпат ос нйврамыт щань ләтһын хумус ханищтаңкве, тох лавыс. Тав ўст Петя пыге ханты ләтһыл потыртаңкве ханищтастэ. Тән Тимофей Алексеевич ойкатэнтыл юн тәнэ колнакёт туп ханты ләтһыл потыртасыг, тот руш ләтһыл матыр ювле ләвуңкве ат рөвыс. Пыгён тәнәтән хүнтлым ләшәл потрыт торгамтаңкве патыс ос щань ләтһе та ханищтастэ. Ань Касум павылт «Нумсаңёх» этностойбищан ёхталам агиришит-пыгришит аквтох ханищтаңкве патвёсыт. Тувыл яныгнув пыгыт Ый ййкв эргыт ханищтан порат ләтың ос молях торгамтаңкве патсыт.

Софья Онина щань ләтһыт ханищтан наука урыл потыртас. Ты этпост Югорский государственный университет колт «Языки и культура народов Арктики в условиях глобализации» наппа конференция вәраве. Тув сав мәныл учёныит ёхтэгыт тах, мән ос газета ловиньтан махум ос тув вөва-вөв. Софья Владимировна лавыс: «Нан матыр ләвнэ ләтың оныщегын ке, мәнәвн ләтың хүлтән. Мән ты тәлат осн-паттыянув ос элаль ханищтым ёмшакв щёпитаңкве патыянув».

Светлана Динисламова мәнъши ләтһыл мәнъ нйврамыт магыс таратан «Витсам» нәпаканэ урыл потыртас. Тав «Лүимә сәрипос» газетат рүпитан хөтпатн пүмәщипа ләтың лавыс, мән акван-нётхатым рүпитэв.

Ань та конференцият маныр ывылтыт потыртаңкве патэгыт, маныр номт пинэгыт, мән нанан мөт щёс хансэв тах.

Тамара МЕРОВА



Сапранит үнлүм-нэквет

Ханты мир мәщтыр нэквет

Ханты-Мансийск үст ӧлнэ «Тӧрум Маа» музейт пумыщ суссылтап вӧрвес, тох намаявес: «Талант, душа и золотые руки». Белоярский район Тугияны пӧвылныл ӧлнэ хӱрум мәщтыр нэквет кӧтыл вӧрум маснутаныл, юнтум пормасаныл мирн суссылтавет – Анна Матвеевна Себурова, Людмила Калистратовна Зубакина ос Надежда Алексеевна Гришкина.

Ӧвыл лӧтың музей кӱщай нӧ **Людмила Александровна Алфёрова** тав лӧвыс:

– Ты ялпың мӧт, сосса мир музейт, кӧсың хӧтпа кӧсаланэм порат номтум сака ёмас. Кӧсың мәщтыр хӧтпа ёт мӧн юртыңыщ ӧлӧв, ӱс мирн тӧн уранылт потыртӧв, суссылтапыт вӧрыглӧв. Ӕлумхӧлас коныпал мӧн мӧнь пӧвлыт ӧвылтыт потыртӧв, тӧват хосат оссувлӧвӧсыт, ат ӧлавет. Тӧнаныл мӧн номиянӱв, тот ӧлум мӧхум янытлыанӱв. Аквтох мӧн тыт «Родословная»

тӧла вӧрӧв, хӧтпа такви рӱтанӧ наманыл нӧ пакн хансыанӧ, тувыл ты урыл мирн потыртӧв.

Надежда Алексеевна ёт мӧн «Сокровища Севера» тӧла ӧлум порат Москва ӱсн ялсумӧн, тот тав ханты супыл ёмыгтас, кӧтыл вӧрум пормасанӧ мирн суссылтас. Кит ӧгияге ос пыге ӧс оманыл хольт матыр щаквщӧгыт.

Ты хӱрум мәщтыр нэкветн ам сӧв ёмас, сымың лӧтың лӧвӧгум. Мӧтьёмас тыг ӧхтысын, мӧнавн ялпың хӧтал вӧрсын. Вӧтихал ӧхта-



А. Себурова ос Л. Алфёрова

лӧн, кӧтыл вӧрнӧ пормасанын суссылтӧн.

Тувыл тӧн Людмила Александровнан янытлан нӧпакыл майвӧсыт. Кӧсыңаныл такви ӧвылтытӧ моц потыртас.

Анна Матвеевна Себурова тох лӧвыс:

– Ам пӧквпалың супыт юнтӧгум, тӧванакт нуйил матыр вӧрӧгум. Яныгмамум порат омам акваг матыр щаквщис. Ам тав ляпатӧн ӱнтӧгум, ӧс та юнсхатӧгум. Пӧвлут ӧлнаң пуссын ханты супыл масхатым ёмыгтасыт. Хунь яныгмасум, клубт рӱпитаңкве патсум. Тот юнсхатын кружок вӧрсӱв, нӧ хӧтпат ос ӧгирищит акванатхатӧв, ханищтахтӧв, матыр юнтӧв. Ӗйкам, нӧвраманум ос апыг-рищанум пуссын ханты супыл юнтсанум. Ялпың хӧталыт супанув пуссын масыанӱв, мӱй мир халт ёмыгтӧв. Ань тыг мӧтьёмас вӧввӧсум, пӱмаципа. Амтирот номсӧгум, тащир мӧн пӧс йис вӧрмалянӱв ӧрнӧныл, мирн пӱмщалавет.

Людмила Калистратовна Зубакина ос мӧньтӧгыл юнсхатункве патыс, нӧ лӧвыс:

– Омам сӧв маснут юнтыс, сӧтапыл шултиныт сагыс. Ам тав ӧтӧ ӧс акваг матыр юнтсум – суп, тӧр сахи, лӧгыл маснут, та маныр. Тугияны пӧвлут сӧв мәщтыр нэкве ӧлыс, пуссын нӧтнӧ маснут, пормас вӧрсыт. Акванатхатӧгыт, щаквщим та ӱнлӧгыт, тыхал ӧргӧгыт.

Хӱрмит мәщтыр нӧ **Надежда Алексеевна Гришкина** «Народный мастер России» намыл маим ӧлы, такви ӧвылтытӧ ӧс моц потыртас. Тав сӧлы ӱрнӧ мӧт яныгмас, рӱтанӧ халт мәщтыр хӧтпа, мӧйт ос ӧрыг вӧнӧ хӧтпа сӧв ӧлыс. Ты нӧ урыл ам тах акв хотты газетат сӧвнув хансӧгум.

Тугияны пӧвыл мәщтыр нэквет кӧтыл вӧрум пормасаныл Ханты-Мансийск үст яныг таквс ӧтпос 5 хӧталӧ мус суссылтаңкве патавет. Ятил мӧньщи миртӧв, ханты нэквет юнтум маснутаныл, пормасаныл кӧсалан мӧгыс «Тӧрум Маа» музейн ялӧн, тот моц ёмыгтӧн, пӱмщалахтӧн.

Светлана РОМБАНДЕЕВА



А. Себурова, Н. Гришкина ос Л. Зубакина

Тән мәңшиянүв ёт сака сымыңыщ ӧлӧгыт

«КИП» – ты руш лӧтӧыл «Команда искателей приключений» лӧаве. Тот Алексей Викторович Слепухин ос Наталья Юрьевна Бердюгина кӧщайлахтӧг, тӧн сас тӧрвит лӧнхыт хосыт ӧмщакв ӧмыгтаңке хӧснӧ хӧтпаг ос наманӧн Русский Географический Обществан хансым ӧлӧг.

Ты кытыг ос тӧн ӧтӧн рӧпитан хӧтпат тӧват Екатеринбург ӧст ос тӧват Свердловский областыт ӧлӧгыт. Тӧн атхуйплов тӧл сыс мӧхманыл ӧт акван-нӧтхатын рӧпитӧгыт. Ань сӧкыр ӧтпос юи-ӧвыл щислат тӧн нам-хӧталаныл ӧлыс, ам ӧс тув вӧвиньтӧлвӧсум. Намхӧталанылт тӧн «Земля предков» намба паркыт мӧйлысыт. Та парк Свердловский областыт Серовский тракт миннӧ лӧнх хосыт 36 вӧрыстат ӧлы, тот «Селен» хансым мӧ нупыл минуңке ӧри.

Ам ӧвлӧт Екатеринбург ӧс мус поездыл ми-насур, тот мӧт мӧйлын хӧтпат ӧт кит яныг мӧ-шинан тӧлттувӧсӧв ос паркын та тотвӧсӧв. Манав тот Алексей Вик-торович лӧлыт ӧрыстӧ. Тувыл сӧв мӧныл ӧх-тум мӧйлын хӧтпат ӧлы-

пӧлт тав лӧвыс: «Ятил юртыт ос румат, мӧн ты-хӧтал намхӧталув вӧ-рӧв! 15 тӧл рӧпитанӧв сыс мӧн сака сӧв мӧхум ӧт вӧйхатасӧв, кӧсың хӧтпа вӧглӧв ос номи-лӧв. Ты хӧтпанув ӧт мӧн сӧвсыр лӧнхыт хо-сыт сӧв мӧн яланта-сӧв, хӧт я хосыт хӧпыл нӧтылтым товсӧв. Сыре-сыр ханищтапыт аквӧ-ӧт вӧрыгласӧв. Тыи са-ка тӧрвит, вӧщкат рӧ-пата, ос мӧн кӧсың хӧт-па ӧт ӧмас, посың ном-тыл рӧпитасӧв, сымы-ңыщ ӧлсӧв. Нӧн ань мӧн палтув мӧйлуңке ӧхтысын, мӧнаван нӧн ӧтын акван-хӧнтха-тыгланке ӧс сака ӧмас. Мӧн аквӧӧт яласам лӧнханув номиянӧв ос щӧгтым ӧлӧв!»

Наталья Юрьевна аквӧӧт рӧпитан мӧхма-нӧн ос тӧн щӧмьяныл пӧмашипа лӧтың лӧ-выс. Ойканыл ман



Хурит суссылтӧгыт

ӧкваныл тӧванакт нӧв-раманыл ӧт юн хуль-тӧгыт, хоса ӧрхатӧгыт. Тувыл тӧн ӧтаныл ми-нӧгыт ке, матыр-ӧти вӧруңке акваг нӧтӧгыт.

«Команда искателей приключений» Сверд-ловский район янытыл сӧвсыр пӧс йис мӧн мӧхум тотыглӧгыт, тувыл Нӧрыт сунсыглан лӧнхыт вӧрсыт, тӧва мӧт я хосыт хӧпыл яласӧгыт. Тӧн археологический экспедиция вӧрӧгыт ос пӧс мӧхум ӧлум наказыл ханищтӧгыт. Нӧврамыт мӧгыс янас ханищтапыт, касылыт щӧпитӧлӧгыт, тӧнаныл сӧвсыр мӧтраң тӧлатн ханищтыяныл, аквӧӧт пӧс мӧхум ӧлупсаныл пӧмшалаыяныл.

КИПыт рӧпитан хӧт-

пат пӧс накыт ӧмщакв тӧра-паттыяныл ос та юи-пӧлт проектыт хансӧгыт. Тӧн акв лӧк-кар хум хосат вӧрум хуриянӧ хӧнтсыт, та юи-пӧлт «Сенкевич. Человек. Исследова-тель. Врач» намба тӧла щӧпитасыт. Ань ос Ми-хаил Заплатин, мӧхум кинан пӧслум хум, урыл потыртаңке таңхӧгыт, ос таве вӧм хӧтпат кин-сӧгыт. Мӧлал пӧмыщ нӧпакыт тӧратасыт: «Народ, живший когда-то в горах Урала», «Культура и быт ураль-ских манси» ос мӧта-ныт. Алексей Слепухин ос Наталья Бердюгина лӧсум мӧнши мӧхма-нӧв палт сӧв щӧс ялсыг. Ты хӧтпаг мӧншиянүв нупыл сака сымыңыщ



Араш вӧтат



А. Слепухин лӧлий



Нӧврамыг сӧлы тыттытӧн

ХАНИЩТАП



өлэг, тәнаньлн матыр нётмил вәрэг. Тән сас леккарыг. Эрнэ леккарыг ёт потыртахтэг, ос мәнщи махманув яныг үсн ёхталанёныл порат тув тотыглыанён.

Тән мәнщит олупсаныл ёмщакв ханищтамен юи-палт, «Земля предков» намба парк унттысыг. Ань ты музееяныл нила талыг ёмтыс. Мүй махум тув ты атхатыгласыт ос тот ялпың хотал вәрыгласыт. Ты кола сав тал «Школа юного туриста» ёт рүпиты, ныврамыт савсыр ханищтапытын, касылытын тыг атыглы-яныл.

Ань ныврамыг 19 нотыт олум Александр Пушкин ос Наталья Гончарова, та пора холыт масхатам маснудыт олсыг, ханищтан махманыл ёт пумыщ йикв ос эрыг щёпитасыт. Команданыл ёт хосат акван-юрщхатам «Век», «Банда» ос «Шайка» намба махум ос савсыр ошхулит щёпиталсыт, тувыл танки вәрум

мүйлупсаныл мүйлуптасаныл.

Ёхталам хоталуvt хотал палыт раквыс, ос махум юв сака ат молямласыт, та мāt ёмыгтаңкве, сунсыглахтункве тәнаньлн сака мұстыс. Тувыл команда мүйлын хотпаныл магыс ос сав тәлат вәрыс, махум аращ вәтат ысылхатим лүляхолсыт, тот атың тәнудыт пайтвёсыт, тыттувёсыт. Ты мус кас вәрыс, ныврамыт тот ошнэ уйхулыт ос сәлыт сунсыгласыт, катныл тыттысаныл.

Юв пуссын ёмас номтыл та минасыт. Тувыл нәмхотыют тәтлан ювле ат мины, махум элаль миннэ лёңханьл урыл номсахтэгыт ос ты команда ёт потыртахтэгыт.

Тән пуссын састум лёңх вос ошсыт, пустагыл, ёмщакв ос кустырыг вос яласасыт.

**Тамара
МЕРОВА**

Юрт ағиришиг

Ты хурит Хальүс район Саранпавыл ағиришиг пәслым өлэг – Юля Иванова ос Полина Попова. Туи тән Ясунт павыл «Мән Ысквен» ялсыг, лавег, тот олункве сака ёмас. Мот ныврамыг ёт ёрнколт сәттем олсыг, ёнгасасыг, кассыг. Яныгхотпатн юнсахтункве ханищтавёсыг, акань ос суп-охса юнтсыг, мәнщи латың ханищтасыг.



Юля ос Полина

Юля 10 тәлэ. Ты мәнщи ағириш яныг колтагылт яныгми, каңк, апиши ос йигриш оныщи. Ома тә Татьяна, аятә Дмитрий. Ләви, школат ань мәнщи латың ат ханищтэгыт, татем лүль. Ясунтыт ушлахтаманыл ханищтасыт, сакати тот щән латың мощ хұлыс.

Полина 12 тәлэ, ань сәтыт классыт ханищтахты. Тав колтаглэ ос сав ныврамың – кит апишириш ос йигриш оныщи. Ома тә Юля, аятә Андрей – саран ос ёрн рүт нэг-хумыг.

Ты ятил ағиришиг рүтанән ёт пус кәт, пус ләгыл вос өлэг, пустагыл хайтыгтым вос яныгмөг.

Лөпмус ныврамыт



Ты хурит Хальүс район Лөпмус павыл ныврамыт пәслым өлэгыт – Руслан Албин, Денис Хозумов, Илона Ромбандеева, Наташа ос Вадим Хозумовыг, Артём Кугин ос Ксюша Фирстова.

Ты потрыг Светлана РОМБАНДЕЕВА хассаге.

Мирн ванэ намыт урыл ляххал

Общественный палатат кўшай нэ Ирина Максимова ос общественный, внешний связь департаментыт кўшай ваңын хум Константин Репин сапрәни вәрыгласыг. Тән ишхипың ут хосыт «Великие имена России» нампат тәланыл урыл потыртасыг.

Ань тамле проект щирыл Россия янытыл сав организацият рүпитәгыт. Тән товлыңхәпыт иснэ мат рүпитан колыт мирн ванэ хөтпат намыл пинуңкве номсәгыт. Ань Нижневартовск ос Сургут ұсыгт олнэ кит тамле колыг мағыс намың-суиң элумхөлас нам пәриёгыт.

Ты сапранит ұс ос район миркол кўшаит пуссын китыглавёсыт, хоты хөтпа наме тән тув пәрияңкве таңхияныл. Савыңпәлә махум ма-вөй нөх-винэ мат рүпитап хум Фарман Салманов, округ өвыл губернатор Александр Филипенко, потрыт хансун ос хаснэ хөтпат Еремей Айпин, Андрей Тарханов ос мөт хөтпат наманыл лавыглавёсыт. Сергей Рыжиков Югра маңыл космосн тылаглалум хум наме ос лаввес, тувыл ма-вит ўргалам ос ханищтам хум Александр Дунин-Горкавич.

Нән хотты хөтпа наме тув хансуңкв вәрмилың, «великие имена. рф» лопсыт маңы таквс этпос 22 щисланыл 28 щисла мус намыт сунсән ос тот пәриён.

Тамара МЕРОВА

Омав самын патум хөталэ



Ты элы-пал газетат маң Галина Константиновна Алгадьева урыл потыр хансыгласуь. Ты этпост хўрмит хөталэт тав 75 тәлэ төвлыс. Нән ань тав потре элалы ловиньтэлың.

Ювле миннэ лёңхум

Ханты-Мансийск ўст медицинский училищат акв тәл ханищтахтасум, тувыл та. Китыт тәл манарыл тотавем. Олн атим, хотьютн юил олныл кетавем. Ащум таккёт торың ос алыщлаңкв ат вәрмыс. Матыр катын-патты, нянь винэкем, таил та олсыт. Юв минуңкв олн ос ат өсум. Дарья палт пищпа хассум, тав атхуйплов солкови кетсас. Та олнытыл юв та ёхтысум, Кульпас мус туп төвылхатас.

Акв Саранпавыл агирищ эт Кульпас мус тай ёхтысум. Тәлуңкв патсум, билет ат ёвтсум. Сортыңъя ляпат, аман Анья павылт матыр мат билет висум, эрттам, ушта тәлсум. Тувыл аквам тай элалы Саранпавылы тотвес. Тот ос тувле минамумт, мән Панал акв маңыщи нэ Кислобаев палт өлсум. Тув хөнтхатсумән, лаввесмән, тав Алы-

супныл өлнэ эква аман Халпавылы. Тав мөнамән акваг «аңквагииг» лавсаге, яныгнувпәлаг өлум эква. Ювле миным ос тав палтэ өлсум.

Тот Коля Дунаев эт хөнтыгласум. Тав ётэ акваёт Няхщамвөльт интернатт ханищтахтасум. Тав лавыс: «Няхлаң мус минымән, тыт тай матхалт Няхщамвөльн почтовый хәп ёхталы». Мән хотыл ваглумән. Кислобаевыт лүй өвылт өлэгыт, тав ос тот өлыс. Няхлаң мус катер ёт йисмән. Тав ос хотты мат рүтанэ палт өлыс. Няхлаңта ос Щёккуп эква өлыс, Петька Секов экватэ, ос матырсыр ул рүтыг өлсыт. Тав тот өлыс. Ам ос Пуксиковыт Наста-мөйтың палт. Ань Ульяна Павловна хөт май Кульпаст өлы, тән коланылт тот өлсум. Тувыл ос Няхщамвөльн почта тотуңкв Шалагинов тав яласас. Ювле йиме мус ос тыг

Хулюмсүнтың тотвөсум. Тыгыл элалы пормас тәлтты, тәлнэ ма атим. Пуксиков Колька тән тыт нәлми вәтат өлсыт, ос тән палтаныл матахмат хөтал өлсум. Коля тай тыт хулыгыс.

Хәпув хоми-ёңхыс

Рыбкооп пормас ма-гыс ос акв тамле хәп ёхтыс, яныг неводникиң тәгыл. Рыбкооп пормасыт тәлттувөсыт, элалы та ёт ми-насум. Тәпссүнт хәпув хоми-сөсхатас. Тот йтимавесуь, Тәпссүнт хуясуь. Ос әлпыл такем ащирма, тахольт училищат майлым пальтам таим ёт өнысаслум. Маныр пормасанум өсум, ёт атсанум. Та пальтам нөх-масым ёл ат щалтсум.

Рыбкооп пормас төтапыт, тот тәнэ-кйвр төтапыт өлсыт, цемент өлыс, сәккар хўргыт. Хунь ань неводник хоми-сөсхатас — цемент, сәккар тай тәра ёлтахасыт. Тыт ань анысән төтапыт. Ам мөтан-мөтан палт кос консыгтахтәгум — утанум ёла та тахёгыт. Ос мөтан палт пұхтәгум, ань хәп хоми-ёңхыс, Ам хәп котилыт өлсыт, тот та мұрсәгум. Пальтам нөх ләкква-нортхатас. Уигтаңкв ат хәсәгум, нас нөх-хартвөсум. Тот рущ пыгрищаквег өлсыг, таииг тай пәгуылыгтасыг.

Кина пәнкат өлсыт. Та аппаратуратән ёлуйттувес. Пыгрищаквег кина-пәнкат нявлалым тай та уигтәг. Кина пәнкат нас нәтгащлавет. Ос мөт пормасыт тән та пувёг, лайхатыгләг. Пормасыт пәг хартыгләг. Кит хөтал тот өлсүв. Аппаратуратән нөх

НАМХОТАЛЭТ ЯНЫТЛЫЛҮВ

ат ке хартытэн, тонт тай тара сутытавэг. Тот та мұрсантэг. Яныг неводник-капай, саранхап, сав пормас лапи. Та яныт савыл юв ёхтысум.

Щанягум-ащажум лавег: «Хаништахтам матыр?» Няхщамволь талтыт та элы-палт ос Нина увшиментыл хоми-сосхатыгласмён. Лавег: «Воссыг ул минэн». Дарья пёкарнит рупитас, нётункв лавсас. Олныл, лави, мыглум. Ам лавегум: «Ати, кай, воссыг ат минэгум». Юв та яртхата-сум.

Мань порам урыл

Школан миннэ мус Яныгпавылт олсум. Та порат тай савсыр ёнгынут сака атим, ёнгункв тай савыпалэ аканил Аннэл акань-лахтасмён. Кит агириш, павылт воссыг мён яны-тамён няврам атим. Хотыл ос апшимён ёлояве, Илья тав маньну-ва олыс, тувыл Тима. Тэн хуйнэтэн сыс тай кон ос ёнгимён.

Яныг хоса улас — унлын улас олыс. Тув совъяришанмён талттыянмён, акань торытыл пёрыгтымён, тонт ман акань хунь олы. Щанянув пуңк-торытл акань пёрыг-тымён. Эрттам хапыл яласымён, нарнэ-йивыл тот та поктымён ман товимён, ёл-унтымён. Тащир кон ёнгысүв. Ракт нянь вәрев, осэ-ватал анысуп рактыл, манарытыл мёнки хан-лымён.

Щащёкв яныг олыс, нёлсатыг, улпыл, ат ёмталас. Маниг олме тагыл мощ сам нуса эква олыс, щар сампыл-тал ати, акваг матыр-ати вāрыс. Щащёкв яныг ошвесүв.

Аннэ эшментыл мань

хул пувсумён, атэ нас тох, кутюв пүтн тарты-нүв. Матыр санхосн ман кёр пāнкаришн тартыанмён, арыг вётра матыр хунь олы. Кёр пāнкаришит тай мат-сыр урыл нэглаласыт, тосам щаквитыл та манарыл. Тамле пāнкан атыанмён, суп маглыл ман торыл амартымён, тув сосантыанмён, тувыл юв ёхтымён, щащёкв мён кутюв пүт вāрункв паты, тув равтасыанмён.

Масым ошнэ супан-ментыл нас амарты-мён, суп маглыл, пуң-кын пиннэ торыл ос. Лох вāримён. Тор ты-щир нила самагётыл пувилмён, тувыл ма пасныл тыщир тотан-тыанмён, хулыт тув щалтапёгыт, консыг-тыанмён, молямтах-тым хусапн сосыгпийн-мён. Тонт тай мань хул сака сав олыс. Ань тай вит осэ люль.

Хул сав олыс

Тонт тай щар нас пайтахты. Рош ватат витна ке вāглэгын, лаглагын мовал тай щар нас калшиты, савсыр мань вушрамыт, лоң-сыңыт. Лоңсыңыт тай щар сыг хурипат ма пасныл вāнксэгыт. Рош лохыг хилыламен мощ милыгнув, урхатымён, хунь ань витэ рактэ ёл-унты. Рактэ тай ёл-унты, тан тув та щалтэ-гыт. Тот ос түр олыс, түр ахт оныщи, та хосыт пагле щалтэгыт. Акв хотьютамён, ам тыщир ўрхатэгум, суп-маглум сос хулын тактылум.

Аннэ пагнув ми-ны, мань хулыт тыгле нявлыанэ. Тыг ёхтыг-пакёныл ам ань нōх-амарматыанум. Таи магыс тув сыс суп ат товылхаты, та мань хуланамётылёт. Тасавит мань хул, това порат

суп элы-палум таглэкв амартылум.

Маньясүнт тонт пёс тэлы кастыл хот-тос-ласаныл. Аквта щир-ыл рошаныл лох хилэгыт, юннув воңхаг вāрияныл. Тып йивныл мань камкариш вāрегыт, нāлув ўнттыяныл, тувыл хотьютаныл тувыл нявлы — камканыл щар таглэ щалтаве.

Мань хулыт танки са-ка пилашит, матпүсум тотнув карстанкв па-таве — та тахэгыт, сэтап холыт кональ хасумтэ-гыт. Яныг хул тув ат ёхты. Тамле мань хул тэлы кастыл кутюв пүт вāрнэ хулыг тосласа-ныл, тасавит мань хул та олыс.

Това порат хурыг, лавегыт, поктэгыт. Ню-сувъяптыяныл, тув та щалтапёгыт. Мощ олэ-гыт ос. Мотаныт пувā-вет, ос мотаныт щал-тэгыт. Тан сака ўссам утыт, хоталь матыр воңха хиллыгтэн, тув та щалтапёгыт. Тамле пиш та.

Алнхул пувыс

Ос акв щёс маньха-пыл яласаңкв хань-шувласүв. Илья апши-ментыл, тонт школан иңыт мины, ул хōтах-кем талэ олыс. Ашум сар хоталыт ань кас-кан харты, ёт тотыгла-ве, хул пувиньтэг. Кас-кан вāрылтаптас, тамле мань нялыл касканыл вāрвес, кёрсоль овлыл хутувъяптувес. Хурум кёрсоль хулытавёсыт, келп тор ломтыл кёр-сāйтна тув-пёрыгта-вёсыт, тувыл нялытэ ларгын щирыл вāрвес. «Ам каскан хартэгум, нэн товён», - лави.

Посум щуртуңкв ань ам хасэгум, Аннэ хап нелта. Апширишмён хап котильн ўнттыс-ламён, тав ань каскан харты. Тыт ты нāлумт-

нув мощнув хāнлаг олы, тав каскан та хар-ты. Хāнла нум-пāлн туп патсүв, хулн пуввес, роңхи: «Молях паг то-вён, касканум хулн та пуввес». Мён паг та то-вимён, хап патта туп карсатас, паг та по-рыгмас, паг та хайты.

Аньмалың, солъ, ёмас яныт алн пыгриш пу-вум. Алнэ алмаяс, вата хосыт юв та хайты, мён та оссувлавесмён. Такос лавилмён: «Йиен тыг, мён ос сунсыла-мён хулын ман яныт». Ати, щащёкватэн эс-сыгхатуңкв юв та хай-ты. Щанянув-ащанув юн атимыт.

Мот щёс ос вораты, мён воссыг ат таңхи-мён. «Наң юв оёгын, мён тай вос товимён». Щащёкв лави: «Тов-лы кай, хул пуви - щāгтнэтэ итыл атиңк-витн порыгми, тай пā-выл рошит тот». Мён Аннэл това порат са-юм хулпытыл хулуп ўнтталымён. Тав ман саюм хулуп, тув хунь матыр пёрыглы. Хулуп ўнттуңкв хаништах-тыглымён.

Илья потыртāлас, пёс порат капрон ўсма хунь олы, нас сэтап ўсма. Толыгныл арыг-там ломтыл Колятэн-тыл аквтох ты мань толыг вāрсыг. Ос павыл алы-палт ань сэй рош атим. Тонт тай, оныпум лави, яныг рош олыс. Колятэнтыл, лай, та тол-гёнтыл тот ты толгёг. Маньхапыл ань товыг-тэг. Акватэ вата овылт люли, акватэ хапт. Ня-врамыт та порат воссыг маныр вāрегыт, тащир та алышлаңкв, мана-раңкв хаништахтэгыт.

Тамле потыр Галина Константиновна такви яныгмам поратэ урыл та потыртас.

**Анна
АЛГАДЬЕВА**

Сосса мирыт ӧлнэ мӓт рӓпитасум

Акв мӓньщи газетат ам Тамара Семёновна Мезенцева урыл потыр хансыгласум. Ёмас, сымьӓн мӓньщи эква потре ань элаль ты мины:

— Школа ӓстласум, акв тӓлн юв хультсасум, омамн-ӓтямн нётункв. Та тӓл витэ сака яныг ӧлыс, пум таквсы порат вӓрсӓв. Ӓшум ӓт Сисконзият хӓпыл яласасмӓн, вӓс пӓтлуптасмӓн. Пӓс йис порат та мӓт пӓвил ӧлыс. Пум тот вӓрсӓв, палатка ӓт висӓв. Такем мӓлтып, ёмас хӧталыт ӧлсыт.

Пум вӓрсӓв, ӓшум лӓвыс: «Тувле ялсум, сӓйпил такем та тӓлыс». Ам тай тӓра щӓ-питахтыгпасум, атиӓк пил тӓл хультӓгум. Мӧт хӧтал пил вӓтуӓкве та минасӓв. Пил вӓтсӓв, ӓшум лӓви: «Мӓнь ӓги, ты турманлы, ювле лӓшлаквег минӓв, ам самагум лӓль-саӓ нӓнӓкӓг. Тох лӓӓхум хот-устылум, нӓнан тах вӧрн хоталь тотыанум». Сасгум ӧс тыт ӓмыгы.

Ювле щӓ-питахта-сӓв. Ам пӓйпум вислум, ӓшум юи-пӓлт та ӓмантасум. Омам ам юи-пӓлумт ӓмыс. Акв-матӓрт тарыг йив тӓл самумн та пӓлхатас.

Ам та рӧнхалтахтасум: «Ома, ома, самум сунсӓ-лын, самумн матыр та пӓлхатас». Омам ювле лӓвыс: «Сатапаӓкве ты патыс, щар ат нӓнӓки». Тӧрум хот-ӓнхвыслум, самумлап-нӓгсаласлум.

Ювле палаткан ӓхтысӓв, самум щар кӓлпыг та ӓмтыс. Ӓшум лӓвыс: «Кон воссыг ул квӓлӓн. Тӧрын кишӓпен ӧс самын пинӓлн. Щӓхри касӓе налӓ ӓнътныл вӓрим ӧлыс, кӓр кӓрт исылтытӓ ӧс самумн та пинытӓ. Тыщир хӓ-рум хӧтал капыртасӓв. Хӓрмит хӧталт ӓшум китыглахты: «Я-а, хум-ле самын?»

Ащирмаг ӓмтуӓкве та патыс. Ӓшум лӓвыс: «Ювле минуӓкве ӓри. Аквматӓрт самумт матыр та покматас. Ӓквматӓстӓ, тарыг йив мӓнь тӓл-ӧвил кон та рагатас. Хӓрум ӓт ӓнумн ӧлнӓ урак ат мис. Тох хӓрум хӧтал юв ат тӓрвесӓв.

Мӧтыт хӧтал ӓлпыл нӧх-квӓлсӓв, атхата-сӓв, юв та минасӓв. Пуманув тот хультуп-

тасанӓв, тӓлы юв тот-санӓв. Юв ӓхтысӓв, щӓхри касӓи кинсуӓкве патыслум, ань ты хӧ-тал мус аты хӧнтыслум. Самум тай пусмыс, ӓшумн самум ат майвес. Тӓра ке минасӓв, самум пӧльтнуве, сам тӓл та хультну-вум.

Ашум пусмалтаӓ-акве хӓсыс, пӓвлувт пыгрищ ӧлыс, мӓньтӓгыл сака таглыс, ӓшумн пусмалта-вес. Пӓвлыӓн мӓхумн ӧс пусмалтасанӓ. Ващи-лум Дальний Востокн ялме юи-пӓлт пуӓке лӓулиг ӓмталас, акваг мори потыртас, ӓшумн ӧс пусмалта-вес. Тамле вӓрмаль хотмус вӓ-руӓкве тав хӓсыс.

Мӧтыт тӓл ам Салехард ӓсн минасум, тот культпросвет училищат ханищтахтасум. Та порат мощ тӓрвитыӓн ӧлыс, мӓн пуссын мӓнь пӓвилныл ӧлсӓв, яныг ӓст ӧлуӓкве ат ханьшувласӓв.

Ханищтахтуӓкве тай сака ӓруптасум. Мӓнь порат мулум нӓврамыг ӧлсум, мори капыртасум. Тот тай номты-ӓыг патсум, амкинӓм мощ ювле ӓрыслум, учитель-хӧтпат ат саватасанум.

Ханищтахтуӓкве пӧйтсӓв, дирек-торувн вӧввӓсум. Тав лӓвыс: «Кит мӓн элаль ханищтахтуӓкве кӓтылӓв, хоталь кӓса-щӓгын? Тюменский му-зыкальный институт манос Ленинградский художественный ин-ститут?».

Ам самвитанум та овтӓгыт, та овтӓгыт. Тӓра омагум-ӓтягум урыл номылматсум, хоталь хультуптыягум. Тӓн тыкем пенсия-олн выгыг — 8 солкӧви. Сас ӓр ат ӧныцӓг, тапалыт мӓт яласаӓкве олн ӓри. Ам пенсиянӓн армалтыягум, тӓн ӧс хумус ӧлӓг? Таимӓгсыл рохтысум, яныг ӓсн ханищтахтуӓкве ат минасум.

Ань тыг мус тувле номсӓгум, номтум савалы. Тӧнт тай вос-сыг хоталь вӓрхатӓгум, рӓпитаӓкве та минасум. Приуральский рай-он Харсаим пӓвилн кӓтвӓсум. Тув ӓхтысум, хӓрум ӓтпосн школат учителиг рӓпитаӓкве паттыглавӓсум. Нӓв-рамыт ам палтум молях ханьшувласыт.

Лӓумӓт рӓпитамум порат тӓрвит сака ат вӓщиньтасум. Мӓхмыт



Т.С. Мезенцева Ягрим мӓхманӓ ӓт пӧслым ӧлы



Тамара Семёновна ӓпге ӓт хӓпн тӓлсыг



тот руш лātныл ат потыртасыт. Ам тән лātнаныл тара ханищтаслум. Школан миннэ пораныл ёхты, тән нйвраманыл хот-түй-тияныл, ханищтахтуңке ат тартсаныл.

Ам мәнълат āгиит олсум, милицият рӯпитан хōтпат ёт ханты ос ёрн мāхум палт Горнокнязевск, Имбернёл, Товопогал пāвлытн кётыглавёсум, ханты ос ёрн нйврамыт школан тотуңке. Туи моторхāпыл минэв, тэлы ос лувың суныл тотыанўв.

Това порат такем турапыг, вōтасыг ёмталы. Акв порат Имбернёлыл библиотекарнэ Зинаида Александровна Русмиленко ёт ювле Харсаимн ми́насмён. Акван-юрщхатсумён, ёсал ё́мимён, такем та вōтасты, мён халмёнт шар ат нāнки. Такем турап кāтын патыгласмён.

Я-та, акв ошхуль Апотыр номыл-матсум. Ущты рӯпитаңке патсум, Горнокнязевск пāвлылн кётвёсум. Акв нэ палт олсум, наме — Малдас, тамле пūмыщ нам та онышас.

Тав āнумн лāвыс: «Та ёрнколн ялэн, тот Сайнахов яныг ёква о́лы». Ам опарищ намум лāвыслум. Ам тай

ювле китыглахтёгум: «Сайнаховыт тыт о́с олэгыт?». Тав ювле лāвыс: «Олэгыт». Ам тай иң мулум. Ань щёвалың кол хольт хунь, пёс йис хольт лāвуңке — ёрнкол āвитэ пāлыг та рōхсатаптыслум.

Юв шалтапасум, та рōнхалтахтасум: «Аква, паща». Эква кёр кūr пōхат лāщлакве ёмыгы, исум щāйпутэ кāтыт пувитэ, самаге о́с ат нāңкег, яныгхōтпаг ёмтыс. Ам мāныщи лātныл тох рōнхувласум, тав исум щāйпутэ алаты ёл-паттысэ. Самаге яныгг вāрсaгe, сūпе пāлыграгaтaс. Потыртаңке шар ат вёрми. Маткем нас лōлис, ам нупылум сунсыс.

Тувыл щāйпутэ кūrн ўнттысэ, улaсэ ляпан харттысэ, лāщал ёл-ўнтыс. Ынлыс ос мāныщи лātныл ты лягалас: «Наң хотыл олэгың, āгикве?» Ам тай ювле о́ста рōнхувласум: «Наң мāныщи лātныл хāсэгың?» Тав лāви: «Хāсэгум, мощномилум».

Щāй аюңке вōвёсум, пасананыл талкват, сāлың мāхум пасаныт. Ам тамле пасан вāтат ўнлуңке шар ат ханьщувласум, лāглагум тышир щакыртыягум, хумус ўнтуңке, атвāглум.

Щāй айсумён, ам лāвёгум: «Ам Сойнах āги, яныг опарищум Сўкыръяныл тувыл о́лы». Тав ювле лāви: «Ам о́с тувыл олэгум. Пёс порат тўлматавёсум, нёрныл тыгле нупыл тотвёсум». Эква потыртас, хўрум пыг о́нышас, тāнаныл пуссын такви опарищнамыл майлысанэ. Пыганэ пуссын хотталы шалтсыт.

Аквнакт ойкам ёт суссылтаңке ми́насамён. Йисмён мāнь

посыл, Ас ян патсумён, такем вōты, мён Вылпасн ворил-ворил ёхтысмён. Такем та вōтың, шар алты ёлпаттавемён. Манасāвит ёр о́сцумён, хāпмён пāг няртумтаслумён. Тув кол мус туп ёхтысмён, иснасыл āңкватасмён, хāпумён хумпыл лап та минвес.

Киностанция аппаратура витыг āлаты ми́нас. Юрт пыганэ ёт нālми вāтан хāйтыс, хāпе пāг хартсаныл, матъёмас нётвес. Кина суссылтан лентат товaт ёмасыт, мōтаныт лōлит. Сāt хōталн тув яртсувесмён, тув мус сака вōтастас. Ас я сака пāхвың, хўрум манос нила вёрыста пāнхвитэ.

Вот пōйтыс, кинанэ ёмащакв тōслысанэ ос кина суссылтас, ам ос лекция ловиньтасум. Тōнт тай тамле рӯпата та вāрсум. Хоталь ке минёгум, сака ёмащакв пирмайтaвёсум, эрттам, рўтанум палт ёхтёгум. Ань ты мус яныг пūмaщипа латың тот олнэ мāхум лāвыглыанум.

Хоса ман вāти тот олэгум. Аквтох клубт рӯпитёгум. Ойкам армият лусыты. Ыринэм яныгпōль ётпос сāтыт хōталёт акв тāлыг ёмтыс. Кўтьванум кёрсанум, Аксаркан ми́насум. Харсаим пāвылныл Аксарка мус сāv вёрыста. Тув культура отделн ёхтысум, лāвёгум: «Ам клубт рӯпитёгум, нэпакыт, хаснэ ййвыт, краскат пуссын āнумн хансён. А́нумн ювле минуңке эри, кўтьванум тэтāл. Ам тыг кўтьвыт кёрим ёхтысум».

Тāн хāйтуңкв та патсыт, краскат, гуашит акван-атуңке. Э́рнэ утыл майвёсум, яныгпōль ётпост лёңхе ёмас, йтипāлаг ювле та минмыгтасмён. Вōтасыг ёмтуңке та

патыс, такем та вōтaсты. Имбернёлт яныг-яныг щāрк кāсаласум, номсёгум, хультуңке ман āти. Тувыл юв молямлёгум, элалы та ми́насум. Юв ёхтысамён, пыгум мольщaңың тāгыл диванын ўнтыгпаслум, нāив тўлыгпасум, кūr пāлтыслум.

Ам юи-пāлумт мольщaңың хōтпa ты шалтыс. Ханты щирыл китыглахты: «Наң Аксарканыл а́ньмунт ёхтысын?» Ам лāвёгум: «Ущты юв шалтсум, кūr ты пāлтёгум. Нйврамум тот та, мольщaңың тāгыл ўнлы». Тав ос лāви: «Наң ман сōтыңыг олсын?».

Ам о́с ювле китыглахтёгум: «Хумле ёмтыс?». Тав лāви: «Хāйтнутыт ёт āлаты акван-ёхтысын. Акван ке пёлхатсын, пулиг та вāрнувен. Сōтыл хотьютн ёмащакв пинвёсын». Тувыл конквāлыс, сāлы нёвиль āнумн юв та тўлыс.

Та мāt о́лым, нуса шар ат тотсум, рӯпитым яласёгум, мāхум ёт потыртёгум, кон-квāлнэм юипāлт хўлыл манос нёвлит та маяпавем. Ойкам армият о́лы, ам амки хўл юв тўлэгум, яныг сāлы нёвиль хартёгум.

Тувыл тав армиян ялме юи-пāлт соваяхтуңке патыс, ам нупылум алхатас. Ам сысы та ми́насум, нйвраманум ёт ювле олнэ мāмн ёхтысум. Та пораныл амки яныгмам мāmт ты олэгум.

Ам Тамара Семёновна Мезенцева потре мāгсыл яныг пūмaщипа латың лāвёгум. Тав пустāгыл элалы вос о́лы, Най-Отыранэн вос ўргалаве.

**Людмила
ТЕТКИНА**

Латың щирыл рүт нъяврамыг



Даша



Ваня

Ты нъяврамыг Даша Гордина ос Ваня Сурков Мордовия республикат Саранск үст өлэг. Тән этән ам мörтым мāt, Витязево пāвылт вāйхатасум, потрамасум. Нъяврамыг тув омагән эт ўшлахтуңкве ялсыг, щārшит пувлысыг, хōталакве лялт мощ рēгылттахтасыг.

Щащēквагум- анēквагум эруптыягум

Даша 11 тālэ тōвлыс, 6 классыт ханищтахты. Агирищ тох потыртас:

— Ам яныг таквс эт-пос 11 хōталэт 2006 талт самын патсум. Школат ханищтахтуңкве сака пūмыщ, кāсың хōтал йильпи матыр хўнтамлэгум, тāра-патэгум. Математика ос физкультура урокыт сака эруптыягум. Мāн мāvт мир мокшанский ос эрзянский лātңыл потыртэгыт. Школат ам мокшанский лāтың ханищтэгум, ты магыс

ам акваг 5 пōсытыл хансавам. Ты лāтың сака эруптылум, пūмщалым ханищтылум.

Ты мörтым мāн ам овыл щēs ēхтысум, тыт ўшлахтуңкве татем емас. Щārшит пувлысум, аквапарк нампа мāн ялсум, тот сыре-сыр сыпыт өлэгыт, тахысум, витыт мощ мұрсысум.

Омам наме Любовь Геннадьевна, āтям Алексей Валентинович. Ам өлнэ ўсумт щащēквам, анēквам ос яныг анēквам өлэгыт, тāнаныл ам сака эруптыягум. Аңкваги ос аңкпыг сāv оныщēгум.

Агирищ омагән Любовь Геннадьевна ос аквагит лāтың лāвыс:

— Марья Степановна анēквам 95 тālэ тōвлыс. Яныг хōнт порат тав сāv рұпитас, нъявраманэ тактēt янмалтасанэ. Омам наме Антонина Ивановна. Ойкам омагән (ōныпум) Татьяна Николаевна. Атятэ (ам аким) Валентин Алексеевич мордвин хум олыс.

Рўтанув вāңкве эри

Ваня 15 тālэ тōвлыс, тав лұпта этпос 20 хōталэт 2003 талт самын патыс. Щārщ вāта тавән сака мұстыс, тув кāсың туи ēхталāлы. Школан, лāви, щāгтым яланты, английский лāтың, физкультура ос ОБЖ урокыт эруптыягум. Туризм секциян яланты, тот вōр мāt өлуңкве, хўл алыщлаңкве, та маныр ханищтавет. Мāнйагыл щащēкваге-анēкваге тавән мордва мōйтыт мōйтыглалсыг, ты мокша ос эрзя мāхум мōйтыт.

Молты тāl пыгрищ атятэ āтимыг емтыс. Омагән Ольга Андреевна потыртас:

— Ойкам мордвин хум олыс, эрзя. Такви лātңе емащакв вāстэ. Атяге-омаге, Ольга Владимировна ос Иван Михайлович, мордва пāвылт яныгмасыг. Лāтыл мир пуссын щāнь лātңыл потыртэгыт. Щащēкватэ Фēкла Леонтьевна мōйт вāнэ нэ олыс, хōт-āти яласас, рұпитас. Мāнлат нэг өлме порат БАМ ўнттын мā мус ялыс, тот рұпитас, ойкатэ эт тот акваг хōнтхатсыг. Эква хоса

ōлыс, ойкатэнтыл сāv нъяврам янмалтасыг.

Ам щащēквам Александре Степановна ос мордовка нэ олыс, тāн колтāгланылт сāv нъяврам яныгмас. Атяныл яныг хōнт порат тыпыс. Хўл тāим, вōр мāt атым тēнут тāим хотмус та яныгмасыт. Мордва мир пāвланыл пуссын я вāтат ос вōр ляпат ўнлэгыт, тāн сытамнув мāt өлуңкве таңхэгыт. Хўл алыщлэгыт, вōраегыт, пил вātэгыт ос лāхс атэгыт. Нэ хōтпаныл сака кārкамыт, матыр-āти молях вāрапегыт. Ам номсэгум, ойкан емас, хунь экватэ тамле таксар нēкве.

Ам ань пыгум нупыл акваг лāвсālэгум, кāсың хōтпа такви мире вос вāгтэ, рўт мāхманэ овылтыт вос пūмщалахты. Хōт ос хоты талт тāн самын патсыт, хōт өлсыт, пуссын вос вāганэ, нэпакн өл вос хансыягум.

Лāтың щирыл финно-угор рўт мāхманув эт тох та потрамасум. Тāн мāнйи газетав урыл ат хўлыгласыт, татем пūмщалахтасыт, лāвэгыт, ань таве ищ-хйпың ут хосыт лoвиньтаңкв патыяныл. Мордва мāхманув тамле сымың элумхōласаквет, щар мāнйи хōтпа хурипат.

Любовь Геннадьевна ос Даша агирищән, Ольга Андреевна ос Ваня пыгрищән сāv емас, сымың лāтың лāвэгум. Колтāгланыл эт пус кāt, пус лāгыл вос өлэгыт, вос шунегыт.

**Светлана
РОМБАНДЕЕВА**

Лўимā сēрипос

(Северная зяр)
№20 (1182), 18.10.2018
Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Врио директора –
Кондина Г.Р.
Телефон (3467) 33-22-72

Заместитель гл.редактора –
Кондина Г.Р.
Телефон (3467) 33-22-72

Ответственный секретарь –
Узель В.В.
Телефон (3467) 33-23-09

Адрес редакции и издателя:
628011, г.Ханты-Мансийск,
ул.Комсомольская, 31
тел./факс (3467) 33-17-52

E-mail: gazeta@khanty-yasang.ru
Газета размещена на сайте
www.khanty-yasang.ru

Отпечатано:

ООО «Новости Югры-
Производство» г. Сургут,
ул. Маяковского, д. 14.

Индексы **04399, 54399**
Тираж **1710** экз.
Заказ **4104**
Цена свободная

Мнение авторов
публикаций не
обязательно отражает
точку зрения редакции.

Газета зарегистрирована
Управлением Федеральной

службы по надзору
в сфере связи,
информационных
технологий и массовых
коммуникаций
по Тюменской области,
ХМАО-Югре и ЯНАО.

Свидетельство
о регистрации
ПИ №ТУ 72-00795
от 23 января 2013 г.